



Claudii Fleurii Abbatis Historia Ecclesiastica

Ab anno Christi 1460. usque ad annum 1478

Fleury, Claude

August. Vind. [u.a.], 1768

VD18 90118332

§. 57. Balves spretis Papæ petitis a Rege in vinculis detentus

[urn:nbn:de:hbz:466:1-66459](https://nbn-resolving.de/urn:nbn:de:hbz:466:1-66459)

Sæcul. XV. struant, eaque clausa illîco Romam mit.
 A.C. 1469. tant, ut in sacro Purpuratorum Senatu
 coram Pontifice cum summa integritate,
 ac necessaria diligentia iterato examini
 subjiciantur, tandemque definitiva sen-
 tentia ibidem feratur, atque ad Judices
 Delegatos eo, quo lata est, rigoris teno-
 re transmittatur, Rex vero fidem suam
 obstringat, quod præfatam sententiam eo
 modo, quo pronunciata fuit, nullo ad-
 dito, dempto vel mutato executioni da-
 re velit, quin tamen Galli eam aliter ac
 lata esset, interpretandi jus sibi arroga-
 re valerent.

§. LVII.

*Rei spretis Papæ petitis a Rege in
vinculis detenti.*

*Comin.l.6.
cap. 12.*

Minime latebant Regem Romanæ Cu-
 riæ consilia, nihilosecius, cum nec
 illam offendere, nec eidem obsequi vel-
 let, inter hæc duo extrema, quorum u-
 trumque æque sibi molestum fore cogno-
 verat, medium selegit viam, qua suæ
 indignationi imperaret, ac judicii cur-
 sum sisteret, simulque diuturni juxta ac
 tetterimi carceris squalore nefaria utrius-
 que complicis scelera vindicaret. Haic
 ærumnas Cardinalis Balves solidis un-
 decim; Virodunensis vero Episcopus o-
 mnino quatuordecim quindecimve annis
 susti-

sustinebat. De eodem Antistite recen- Sæcul. XV.
 set Cominæus, illum Regi fuisse aucto- A.C. 1469.
 rem ferrearum cavearum, quæ includen-
 dis iis, qui Regem offendissent, aptissimæ
 essent, ac ipsumnet Virodunensem o-
 mnium primam in unam earum toto ca-
 ptivitatis suæ tempore conjectum hæsis-
 se, justissimo sane sœvi inventi suppicio;
 quo ferme eodem Perillum mulctatum
 novimus; hic enim prior in æneum
 taurum, quem Phalaris tyranni jussu in-
 felix faber confecerat, inclusus arte sua
 periiit.

§. LVIII.

*Aquitannia dimissis Campania & Bria,
 a Bituricensi acceptata.*

Ludovicus XI. horum proditorum me-
 tu vacuus, potissimas eo curas inten-
 dit, ut cæptum cum Bituricensi nego-
 tium, quo Briam atque Campaniam cum
 Aquitannia permutare statuit, tandem
 absolveret. Ipse Dux a Regis consilio
 haud alienus erat; quippe ejus animum
 jamjam Lescunus spurius Armeniaci fi-
 lius, Ducique in paucis carus eo jam-
 jam inclinaverat. Itaque Borbonii Dux
 Rupellam petiit, Bituricum Ducem, qui
 eo venerat, invisurus; Ubi etiam per-
 mutationis pactum penitus conclusum,
 firmatumque est. Postea Dux Regem
 adiit,